



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱԶ

ՀՐԱՄԱՆ № 26

«10» 04 2018թ.

ք. Երևան

ԴԱՏԱԽԱԶՆԵՐԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԴԱՏԱԽԱԶՈՒԹՅԱՆ ԿԱԴՐԵՐԻ ՌԵԶԵՐՎՈՒՄ ԸՆԴԳՐԿԵԼՈՒ ԵՎ
ՌԵԶԵՐՎԻՑ ՀԱՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ

«Դատախազության մասին» Հայաստանի Հանրապետության օրենքի 62-րդ հոդվածի 4-րդ մասով նախատեսված պահանջի կատարումն ապահովելու նպատակով, ղեկավարվելով «Դատախազության մասին» Հայաստանի Հանրապետության օրենքի 2-րդ հոդվածի 2-րդ մասով, 9-րդ հոդվածի 2-րդ մասի 3-րդ և 7-րդ կետերով, 30-րդ հոդվածի 1-ին և 3-րդ մասերով, 62-րդ հոդվածով՝

Հ ր ա մ ա յ ու մ ե մ՝

1. Սահմանել դատախազներին Հայաստանի Հանրապետության դատախազության կադրերի ռեզերվում ընդգրկելու և ռեզերվից հանելու կարգը՝ համաձայն հավելվածի (կցվում է):

2. Սույն հրամանի կատարման վերահսկողությունը վերցնում եմ ինձ վրա:

3. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին և ավագ դատախազներին, Հայաստանի Հանրապետության զինվորական կենտրոնական դատախազության բաժինների պետերին ու ավագ դատախազին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին:

Ա. ԴԱՎԹՅԱՆ

Կ Ա Ր Գ

**ԴԱՏԱԽԱՋՆԵՐԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱՋՈՒԹՅԱՆ
ԿԱԴՐԵՐԻ ՌԵՋԵՐՎՈՒՄ ԸՆԴԳՐԿԵԼՈՒ ԵՎ ՌԵՋԵՐՎԻՑ ՀԱՆԵԼՈՒ**

1. Սույն կարգով սահմանվում է դատախազներին դատախազության կադրերի ռեգերվում (**այսուհետ՝ կադրերի ռեգերվ**) ընդգրկելու և ռեգերվից հանելու կարգը:
2. Դատախազները կադրերի ռեգերվում կարող են ընդգրկվել՝
 - ա) հաստիքի կրճատման արդյունքում,
 - բ) դատախազության կառուցվածքային այլ ստորաբաժանում կամ այլ դատախազություն փոխադրվելուց հրաժարվելու, իր կողմից պաշտոն զբաղեցնող դատախազության կառուցվածքային ստորաբաժանման լուծարման կամ վերակազմակերպման դեպքերում, եթե նրան համապատասխան պաշտոնում նշանակել հնարավոր չէ:
3. Դատախազը կադրերի ռեգերվում ընդգրկվում կամ ռեգերվից հանվում է գլխավոր դատախազի հրամանով, որտեղ նշվում են դատախազին կադրերի ռեգերվում ընդգրկելու և ռեգերվից հանելու հիմքերը:
4. Կադրերի ռեգերվում դատախազի ընդգրկվելու առավելագույն ժամկետը 1 տարի է, բայց ոչ ավելի, քան դատախազի պաշտոն զբաղեցնելու առավելագույն տարիքը:
5. Կադրերի ռեգերվում գտնվելու ժամանակահատվածում չեն հաշվարկվում դատախազի՝ ժամանակավոր անաշխատունակության, ամենամյա կամ կարճատև արձակուրդում գտնվելու ժամանակահատվածները:
6. Կադրերի ռեգերվում գտնվելու ժամանակահատվածում, հաշվի առնելով թափուր հաստիքների առկայությունը, ինչպես նաև դատախազի մասնագիտական գիտելիքներն ու ունակությունները, վերջինիս առաջարկվում են համապատասխան պաշտոններ:
7. Դատախազը կադրերի ռեգերվից հանվում է հետևյալ դեպքերում՝
 - ա) պաշտոնի նշանակվելիս.
 - բ) «Դատախազության մասին» Հայաստանի Հանրապետության օրենքի 62-րդ հոդվածով նախատեսված հիմքերով դատախազի պաշտոնից ազատվելիս.
 - գ) կադրերի ռեգերվում գտնվելու ընթացքում առաջարկված պաշտոններից առնվազն 2 անգամ հրաժարվելու դեպքում:
8. Սույն կարգի 6-րդ կետով սահմանված կարգով առաջարկված պաշտոնի նշանակվելու համաձայնություն տալու դեպքում դատախազը գլխավոր դատախազի հրամանով 10-օրյա ժամկետում հանվում է կադրերի ռեգերվից: